



27246

kal.komp

Mag. St. Dr

P

Novode.

Dzielski Alb. Joss Sarmata a continuis bello-
rum clavis - vindicata.

1693

POËTAE POLON.

N.

67

Peatr
66.

Biblioteka Jagiellońska



stdr0005487

SARMATIA

à continuis bellorum cladibus,
per bina Numina nempe Martem & Apollinem
VINDICATA,

ac sub
Gentilitio CRUCIS Decore,
Illustrissimorum ac Magnificorum Dominorum,

STANISLAI,



GEORGII
POTOCIORVM,

Illustrissimi ac Excellentissimi Domini,

D. FELICIS POTOCKI,

PALATINI Cracoviensis, Exercituum Regni
CAMPIDVCIS, &c. &c.

Filiorum,

à Nobilissima Novodvorscianæ Dialectices Juventute,
Comædopoëtice

PRODUCTA.

Authore M. ALBERTO JOSEPHO DZIELSKI,

Philosophie Doctore, ac pro tunc Schola Dialectices Professore,

Anno Domini 1693. Die 21. Mensis Octobris.

IN GENTILIIVM STEMMAT;
Illustrissimæ ac Excellentissimæ POTOCIANÆ DOMUS.



1716.7.



Cladibus assiduis vexata Polonia Martis,
Quis finis tandem? quæ Tua vota precor?
En CRUX Terna miorat, dicit, spes certa salutis:
In cuius Signo læta Trophæa canam.
Quare dum spondes plausus, festosq; Triumphos
Sarmatiæ, Vivat POTOCIANA DOMUS.


Illustrissimis ac Magnificis Dominis,

DD. STANISLAO
CAPITANEO LVCINENSI,
&

GEORGIO
CAPITANEO TLUMACENSI

POTOCIIS,

Palatinidis Cracoviensibus &c. &c.
Dominis & Patronis observandissimis

 Continuis bellorum agitatam procellis Sarmatiam
nostram virtuti & honori vestro consecrandam
esse duxi Illustrissimi & Magnifici Domini.
Quippe si Crux spes certa salutis, & triumphā-
le victoria signum nuncupatur fore, quidni Sar-
maticus Orbis sub Illustrissimo DECORE Ve-
stro victrices colligat palmas? quidni sub CRUCE barbaris
Gentibus inuisa triumphet? ad cuius conspectum toties erubescere,
ac veluti ex sanguis emori, si quando, vel maxime ad Vien-
nam hostilis videbatur Mavors. Experta est Otthomanica Lu-
na airtutem POTOCIANÆ CRVCIS, quæ toties funestam
jaçturam, & tristem pati debuerat Eclipsim, quoties è diame-
tro signum hoc Triumphale sibi appositum spectavit. Quot de
Illustrissima ac Excellentissima. DOMO Vestra prodibant MA-
IORES, tot ad depimenda Tauricana Hydræ cornua imperterritos,
ac in

ac in medios Hostium Cuneos, inimica Castra ruentes Hércules,
 & magnanimos Annibales attonitus stupuit orbis. Quis inter
 angustias chartæ angustæ Antecessorum vestrorum NOMINA con-
 cludere poterit? quæ penna vel ipsorum etiam Illustrissimorum
 ac Excellentissimorum Dominorum ANDRÆ Castellani
 Cracoviensis, dilecti Patruj, nuper Ducalem regentis Clavam,
 hodie, etiam post solutas mortalitatis exuvias, perennis gloriæ in
 Gentilitia CRUCE imprimendis charactères, & FELICIS Pa-
 rentis Vestri, Palatini Cracoviensis, Exercituum Regni
 Campi Ducis, felicissimos, verèq; heroicis, poterit describere au-
 sus, longævam virtutum, ac ingentium meritorum seriem. Pro-
 fectò militat æther, & coniurati veniunt ad classica venti, ubi
 sub signo Illustrissimæ POTOCIANÆ CRUCIS militare in-
 tonat Classicum, & sarmaticus Mars triumphales reportat palmas.
 Cujus & vos Magnanimi olim Hædæ, & Martia pectora, antequam
 per prostratas hostium cervices ad immortalitatis progrediamini
 Capitolium, & Triumphalis CRUCIS Vestra explicetis vexilla,
 natali gloriosus Literarj Athleta militare voluistis, quàm sub Ia-
 gellonica Palladis Trophæo. Proinde Illustrissimi & Magnifici
 Domini inter erudita Novodvorsiani Heliconis dumeta, nume-
 rosas eruditionis decerpite laurus; quibus redimitos sapientiæ Vi-
 ctiores aucat Vos albis fama jugalibus per Regna, & urbes, ul-
 timas adusq; Nubes; quò remota Cymmerios vehit Vrsa currus.
 Aureo stylo in duro adamante sculpatur gloria vestra, ac Gentili-
 tia CRUCI innixa, non posteris tantum; sed ipsis etiam sideribus
 in perpetuas æternitates relegatur fama excelsis honorum exor-
 nanda Curulibus. quod ex voto salutatorio Novodvorsiana appre-
 cantur Mûsa.

Illustrissimarum & Magnificarum
 Dominationum Vestrarum
 ad obsequia promptissimus

M. ALBERTVS IOSEPHVS DZIELSKI
 Ph. Doctor, Dialect. Professor.



ANTIPROLOGVS.

AQVILAM Polonam ab invidis deplumatam fatis POTOCIANUS vindicat GENIUS.

PROLOGVS.

Breui sermonis sui periodo seriem futuræ enuntiat rei.

Actus Primus.

Scena Prima.

SArmatiam, clades, & suorum Heroûm funera cum Gemitibus deplorantem, POTOCIANVS solatur GENIUS, ac eidem ultorem suæ injuriæ futurum promittit Martem.

Scena Secunda.

OTthomania parumper victorijs solata Sarmatix illudit: *Jupiter* lachrymarum oppressæ miler-

misertus Sarmatiæ Lunaticam discutit audaciam,
contra quam destinat Martem.

Scena Tertia.

Christianus Mars lachrymis Sarmatiæ commo-
tus, ad eandem à cladibus liberandam, curam
parandorum armorum committit Vulcano, qui arte
Cyclopum fabricatos enses, hastas, & gladios, per
iram & crudelitatem Marti offert.

Scena Quarta.

Fama Polona, dexteritatem Christiani Martis,
suis commendat Heroibus, eosdemq; Martiali
lituo ex mundi partibus convocat; per quos la-
cessita Otthomania suos quoq; adversus Sarmati-
am armat Heroas: inter quorum conflictum,
dubia victoria volitans, è Cælo monita, victori-
osam Christiano Marti porrigit Laurum. Mars
victrices sibi gratulatur palmas.

CHORVS,

Applaudens Victori Sarmatico Marti.

Actus

Interludium.

Actus Secundus.

Scena Prima.

Apollo ob violatum à Marte Heliconem suum,
& bello peremptos literarios Athletas, eum è
Scholastica eliminaat area.

Scena Secunda.

MArs ab Apolline asperioribus affectus verbis,
contra eum Cataphractas conducit copias: A-
pollo vt huic obviet malo, cum Heliconia phalan-
ge consultat, quem ex improvifo intra agitata
Consilia Mars impetiens; intra Scholasticos parie-
tes Apollinari vincitur prælio.

Scena Tertia.

Bellona ingritudinem Apollinis, ob tot à Mar-
te reportatas victorias exprobrans, fatalem eius
eum Luctibus deplorat occasum.

Interludium.

Actus Tertius.

Scena Prima.

A Pollo debellato Marte aurea Christiano Orbi
pollicetur secula; quorum florente Imperio,
non jam ferreo stylo, sed ingeniorum acumine
certandum esse declarat.

Scena Secunda.

N Ovodvorsciana Pallas in festivos prorumpit
plausus, quòd ei virentes sub triumphali PO-
TOCIANA CRUCE effloruere pacis oleæ.

EPILOGUS.

Gratias aget Nobilissimo Auditori, pro
benevola attentionis aure.



Orbi
erio,
mine

mpir
PO-

